

समे – 12:25

<><><><><><>

PM Jammu Rly Division

प्रधानमंत्री नरेन्द्र मोदी होर अज्ज हूनै शा किश चिरै मगरा नमें कायम कीते गेदे जम्मू रेलवे डिवीजन दा वर्चुअल ढंगै राहें उद्घाटन करडन। इस गैह कन्नै भारत दे उत्तरी संभाग च रेल सेवाएं दे असरदार प्रबंधन लेई बत्त पदरी होई जाहग। इस कार्यक्रम च जम्मू-कश्मीर दे लेफ्टिनेंट गवर्नर मनोज सिन्हा ते मुख्मन्त्री ओमर अब्दुल्ला होर बी शामिल होडन। नमीं कायम कीती गेदी 742 किलोमीटर शा लम्मी जम्मू रेलवे डिवीजन च 5 सैक्शन दी तजवीज कीती गेदी ऐ। मुख्य च ऐल्लै 17 रेलवे ज़ोनें तैहत कुल 68 रेलवे डिवीजन न ते जम्मू इस श्रृंखला दा 69मां रेलवे डिवीजन बनोग। एह्दे कन्नै रोजगार दे नमें मौके कायम होडन, ढांचागत विकास होग, सैलसफा गी बढ़ावा मिलोग ते खित्ते दा पूरा-पराता समाजी-आर्थिक विकास जकीनी बनोग।

<><><><><><>

MoS Jammu Rail Div

केन्द्री मंत्री डाक्टर जीतेन्द्र सिंह होरें नमें जम्मू रेलवे डिवीजन दे उद्घाटन दे प्रधानमंत्री नरेन्द्र मोदी हुंदे फैसले दी सराहना करदे होई इसी इक परानी जरूरी करार दित्ता ऐ। उनें आखेआ जे फिरोजपुर डिवीजन दे समें थमां लेइयै खित्ते दे रेल नेटवर्क दा बड़ा मता बाददा-विस्तार होआ ऐ। इस सरबंघै च मीडिया कर्मिण कन्नै गल्ल करदे होई डाक्टर सिंह होरें आखेआ जे नमें डिवीजन कन्नै खित्ते च रेलवे दे कम्मैकाजै च प्रशासनिक ते तकनीकी दक्षता जकीनी बनोग। डाक्टर सिंह होरें जम्मू गी एह महत्वपूर्ण तोहफा देने लेई प्रधानमंत्री हुंदा धन्नवाद कीता ऐ।

<><><><><><>

Railway Inspection

रेलवे सुरक्षा कमिशनर होर कल 7 ते 8 जनवरी गी उधमपुर-श्रीनगर-बारामुला रेलवे परियोजना तैहत तकरीबन 17 किलोमीटर लम्मी कटरा-रियासी सैक्शन दा वैधानिक निरीक्षण

ते आजमैश करडन। इस सैक्शन च पूरी चाल्ली तारें पर खड़ोते दा अंजी खड़ड आहला रेलवे पुल ते चिनाब दरेया च दुनिया दा सब्बनें शा उच्चा रेलवे पुल बी शामिल न। इस परियोजना दा सब्बनें शा चुनौतिपूर्ण हिस्सा टी31 सुरंग दा निर्माण हा। इस हिस्से दे निरीक्षण दे मगरा रेलवे सुरक्षा कमिशनर होर इस बारे अपनी मुकदी रिपोर्ट जमा कराई देंगन ते मेद ऐ जे एहदे बाद सिद्धे कश्मीर घाटी तोड़ी रेल सेवा शुरू करने बारे फैसले गी लेइयै कोई ऐलान कीता जाई सकदा ऐ। एहदे कोला पैहले, जंदे शनिवारें रियासी थमां बनिहाल तगर इक होर कामयाब अजमैश कीती गई ही। परियोजना दे मुख्य प्रशासनिक अधिकारी संदीप गुप्ता हुंदे अलावा उत्तर रेलवे दे बी केई अधिकारी गड्डी च सुआर होइयै ट्रायल रन च शामिल होए।

<><><><><><>

CM Restoration

मुख्यमंत्री ओमर अब्दुल्ला होरें जम्मू-कश्मीर ते खासतौरा पर कश्मीर घाटी च कल होई दी बर्फबारी दे बाद जारी पुर्नबहाली आहले जतनें दी जानकारी सोशल मीडिया राहें सांझी कीती ऐ। उनें दस्सेआ ऐ जे बक्ख-बक्ख महत्वपूर्ण सिड़कें थमां बर्फ हटाने दे कम्मै गी मती तरजीह दिंदे होई पैहल दी बिनाह उप्पर तोढ़ चाढ़ेआ जा करदा ऐ। उनें इब्बी दस्सेआ जे हालात दा आकलन करने लेई मंत्री सकीना इत्तू ते जावेद डार होर सलाहकार हुंदे कन्नै प्रभावित जिलें दा दौरा लाइयै जमीनी सतह उप्पर हालात दा जायजा लैडन।

<><><><><><>

Highway/Weather

जम्मू-श्रीनगर राष्ट्री जरनैली सिड़कै पर गडिडएं दी आओजाई दौनें बक्खी दा ब्हाल होई गई ऐ। एहदे शा पैहले काजीगुंड सैक्टर च भारी बर्फबारी दे चलदे एह सिड़क बंद होई गेदी ही। प्रशासन नै लोकें गी सलाह दित्ती ऐ जे ओह अनुशासित ढंग्गै कन्नै गड्डी चलान ते फिलहाल छड़ा दिनै बेल्लै गै इस शिड़कै पर जात्तरा करन। तोआई ऐतिहासिक मुगल रोड ते सिन्थन सिड़क बी गडिडएं दी आओजाई लेई बंद न। ताजा बर्फबारी करी कश्मीर घाटी च सीत होर बधी गेआ ऐ जिस करी आम जन-जीवन पर माड़ा असर पवा'रदा ऐ। मौसम विभाग नै आखेआ ऐ जे पच्छमी ब्हाएं च खौदल च करी जम्मू-कश्मीर दे उच्चे पहाड़ी इलाकें च अज्ज दपैहरी तोहड़ी हौली शा दरम्याने दर्जे दी बर्फबारी दा इमकान ऐ। ऊआं दपैहरी दे बाद मौसम च सुधार दी मेद ऐ।

<><><><><><>

DC Poonch NG 144-A

पुंछ दे डिप्टी कमिशनर विकास कुंडल होरें राश्ट्री जरनैली सिङ्क 144—ए दे भिम्बर गली थमां लेइयै पुंछ तोहड़ी दे हिस्से पर हासल प्रगति दा निरीक्षण कीता। अपने दौरे दरान उनें इस परियोजना लेई जिमीं हासल करने मतल्लक मामलें दा जायजा लैता ते बक्ख—बक्ख महत्वपूर्ण थाहरें पर जारी कम्में दा आकलन बी कीता। इंदे च सुरंगें, लौहके पुलें ते सिङ्कै कंड्ढे बचाह् आहलिएं कंधें दे निर्माण सरबन्धी कम्म शामिल हे। कुंडल होरें कम्म तोढ़ चाढ़ा करदी एजेंसिएं गी आखेआ जे ओह् कम्में दा मय्यार बरकरार रक्खदे होई इंदे च तेजी आहनन। उनें आखेआ जे जात्तरा दा समें घट्ट करने, संपर्क सुविधाएं च बाददा करने ते हर मौसम च गडिडएं दी आओजाई चालू रक्खने लेई राश्ट्री जरनैली सिङ्क 144—ए दा दर्जा बधाया जाना अत्त लाजमी ऐ।

<><><><><><>

DC Rajouri Capex

रजौरी दे जिला विकास कमिशनर अभिषेक शर्मा होरें जिला कैपैक्स बजट 2024—25 ते राई—बाई खेत्तर दे पूरे—पराते विकास सरबन्धी प्रोग्राम — एचएडीपी तैहत हासल प्रगति दा जायजा लैने लेई वर्चअल ढंग्गै कन्ने इक बैठक लाई। इस दरान उनें ऐल्लै जारी परियोजनाएं दे कम्में च हासल माली ते ठोस प्रगति दा जायजा लैता ते परियोजनाएं गी बेल्ले सिर सबूरा करने दे निर्देश जारी कीते। जिला विकास कमिशनर होरें सरबन्धत अधिकारिएं गी हुक्म दित्ता जे ओह् डेरा की गली ते कोटरंका च बिजली दी निर्विघ्न सप्लाई जकीनी बनाने दे कन्नो—कन्नी प्रभावित इलाकें थमां बर्फ हटाने दे कम्मै च तेजी आहनन।

<><><><><><>